

四庫全書

史部

欽定四庫全書

史部

明會典卷三十五至

詳校官編修臣裴謙

編修臣程嘉謨覆勘

總校官知縣臣繆琪

校對官編修臣莊通敏

謄錄監生臣錢中鎬

欽定四庫全書

明會典卷三十二

戶部十七

金科

庫藏一

天下起解稅課及贓罰等項悉貯內庫以資國用其交納回報行移次第甚備若諸庫該收某物亦有定例其在京太倉庫并在外諸司庫附見于後

欽定四庫全書

課程

諸司職掌

凡府州縣稅課司局河泊所歲辦商稅魚課并引由契
本等項課程已有定額其辦課衙門所辦錢鈔金銀布
絹等物不動原封年終具印信文解明白分豁存留起
解數目解赴所管州縣其州縣轉解於府府解布政司
布政司通類委官起解於次年三月以裏到京本部將
解到金銀錢鈔布絹等物不動原封照依來文分豁明

白劄付該庫交收出給印信長單及其手本關領勘合
回部照數填寫責付原解官收執將所解物件同原領
長單并勘合於內府各門照進且如銅錢布疋赴甲字
庫交納鈔錠廣惠庫交納金銀絹疋承運庫交納其勘
合既於各門照進該庫收訖就於長單後批寫實收數
目用印鈐蓋仍付原解官齎赴本部告繳立案附卷備
照仍令該部主事廳於原解官差批內將實收過數目
批廻候進課畢日將已解并存用課數通行比對原額

如有虧兌照依所虧數目具本奏聞類行各司府州縣
着落辦課衙門經該官吏人等追理足備差人解赴京
庫交納

凡十二布政司并直隸府州遇有起解稅糧折收金
銀錢鈔并贓罰物件應進內府收納者其行移次第
皆倣此

各布政司并直隸府州課程錢鈔并金銀布帛等項折
收總計三百六十三萬七百七十八錠有零

外有各處土產茶鹽硝礬朱砂水銀等物雖有定額
數目瑣碎難以備載

今十三布政司并兩直隸府州每歲折收課程等項
地畝綿花絨二十四萬六千三百斤

絲綿二千九百一十八萬三千四百兩

絹一十九萬一千九百七十三疋零

戶口鈔七千七百三十七萬五千九百二十二貫

稅課鈔四千六百一十八萬九十貫

金匱要略卷三十二
魚課鈔三百一十七萬五千三百七十貫

船料鈔二千四百五十五萬六千二百四十九貫

各礦銀課共十五萬一千七百六十七兩

明令

凡買賣田宅頭匹赴務投稅除正課外每契本一紙納
工本銅錢四十文餘外不許多取

凡客店每月置店厯一扇在內赴兵馬司在外赴有司
署押訖逐日附寫到店客商姓名人數起程月日月終

各赴所司查照如有客商病死所遺財物別無家人親屬者告官為見數行移招召父兄子弟或已故之人嫡妻識認給還一年後無識認者入官

凡諸色人等踏造酒麴貨賣者須要赴務投稅方許貨賣違者並依匿稅科斷其自行造酒家用者麴貨不在投稅之限如賣酒之家自無麴貨者須要收買曾經投稅麴貨造酒貨賣依例辦納酒課若係自行造麴者其麴亦須赴務投稅

大誥

天下府州縣鎮店去處不許有官牙私牙一切客商應有貨物照例投稅之後聽從發賣敢有稱係官牙私牙許隣里坊廂拏獲赴京以憑遷徙化外若係官牙其該吏全家遷徙敢有為官牙私牙兩隣不首罪同巡攔敢有刁蹬多取客貨者許客商拏赴京來

所在湖地河泊地理所在從古至今辦集課程一定不易之所邇年以來奸邪小人受任將從古以來不係辦

課所在小溝小港山澗去處下流雖通辦課去處其小溝小港山澗及灌溉塘池民間自養魚鮮池澤皆以照地起料并不係辦課去處小人生事貪心無厭搜求擾民將農民小溝小澗灌溉池塘養魚池澤取魚罾網罩籠之類一槩搜拏聲言要奏如此虐民今後敢有仍前奪民取採鰕魚器具者許民人拏赴有司有司不理拏赴京來議罪梟令以快吾良民之心

所在湖池民舟經涉其河泊之官敢有妄取水面錢者

金匱要略卷三十二
罪不赦

憲網

一課程仰本府州縣即將歲辦諸色課程數目逐一開報

事例

洪武初京城置塌房及六畜場停積客商貨物及猪羊等畜聽其兩平交易革罷官私牙行但收免牙錢一分十八年令酒醋課諸色課若有布帛米穀等項俱折

收金銀錢鈔除量存各司府州縣祭祀所用餘令各該
司局等官親齎具奏有司帶辦者差吏管解俱次年正
月起程直隸府州限正月以裏各布政司限三月以裏
到京若金銀鉛硃砂膽礬黃丹青綠毛纓碧甸子鍾乳
粉棕毛水銀俱起解本色其餘魚茶酒醋礬硝鉛粉黑
錫粉錫石膏商稅窩課等諸色課俱折收金銀錢鈔
二十三年榜諭各處稅課司局巡攔令計所辦額課日
逐巡辦收於司局按季交與官攢出給印信收票不許

官攢侵欺致令巡攔陪納違者重罪 令一應課鈔除
本處存用外其餘俱解布政司官庫收貯 又令各處
稅課司局商稅俱三十分稅一不得多收 二十四年
令三山門外塌房許停積各處客商貨物分定各坊廂
長看守其貨物以三十分為率內除一分官收稅錢再
出免牙錢一分房錢一分與看守者收用貨物聽客商
自賣其小民鬻販者不入塌房投稅 二十七年令各
處城市沒官房屋但係軍官軍人住者不許取賃錢 永

樂元年奏准凡軍民之家嫁娶喪祭時節追送禮物染
練自織布帛及買已稅之物或船隻車輛運自己物貨
并農用之器各處小民挑擔蔬菜各處溪河小民貨賣
雜魚民間家園池塘採用雜果非興販者及民間常用
竹木蒲草器物并當用雜物銅錫器物日用食物俱免
稅 六年令六畜場塌房課鈔江東宣課司帶收進納
七年差御史監生於各處收課衙門閘辦課程 又
令京城官店塌房照三山門外塌房例稅錢一分宣課

司收免牙塌房錢二分看守人收用 十年令應天府

都稅司分官提調三山門外塌房收辦課鈔 又令各

處巡按御史及按察司官體察開辦課程凡有以該稅

鈔數倍增收及將瑣碎之物一槩勒稅者治以重罪

十五年令各司府州等衙門歲辦并開辦課程等項金

銀段疋俱起解北京內府庫 宣德四年令湖廣廣西

浙江商稅課納銀者折收鈔每鈔一百貫准銀一兩

九年令各處諸色課程舊折收金銀者照例收鈔

十年令天下一應課程俱照洪武年間舊額徵收不許妄自增添 又令各稅課司添收麻油等物料 正統元年裁革各處稅課司局收鈔不及三萬貫者其該收錢糧令有司帶管 四年令各處有客商數少稅課虧欠累民包納者所在有司按察司及巡按御史踏勘從實徵收 七年奏准各處州縣額辦商稅酒紙等課於各州縣收貯以備歲造段疋祭祀及官吏俸給等項支用 九年置官房於彰義門收稅商課鈔 十一年令

各處課稅照永樂七年額例收辦其見辦課鈔比舊增多者以見辦之數為額若辦課一萬五千貫與市鎮買賣處所相離有司路遠及軍衛相叅者復設稅課司局雲南貴州原無開辦之處令所司收辦一年為額所收課鈔皆存留為官吏旗軍俸糧等項支用 十二年令巡視塌房御史及順天府堂上官一員估計物貨直鈔若干造冊發都稅等司官攢收掌照價收稅 今本部差主事二員於淮安臨清開辦商稅課鈔一年更代

令順天府委官一員於張家灣宣課司開辦商稅一年
更代 十三年奏准各處開張鋪店及賣酒醋之家戶
絕者除其稅 十四年令內外門攤商稅課止照洪武
年間舊額收受不許過多 景泰元年奏准各處商稅
課仍照正統年間見行事例收辦 二年令大興宛平
二縣於和遠店等塌房每塌房僉殷實大戶二名或四
名看管順天府及二縣拘集各行依時估計物貨價直
照舊折收鈔貫仍造冊二本一本發都稅司一本送部

查考巡視塌房御史務禁管店小脚不得攬納客商課
程以不堪鈔抵數送官及邀截客貨騙害商人其收稅
則例上等羅段每疋稅鈔二十五貫牙錢鈔二十五貫
塌房鈔二十五貫中等羅段每疋稅鈔一十五貫牙錢
鈔一十五貫塌房鈔一十五貫下等羅段每疋稅鈔一
十貫牙錢鈔一十貫塌房鈔一十貫上等紗綾錦每疋
青紅紙每一千張篋子每一千箇稅鈔六貫七百文牙
錢鈔六貫七百文塌房鈔六貫七百文中等紗綾錦每

疋細羊羔皮襖每領黃牛真皮每張扇骨每一千把稅
鈔五貫牙錢鈔五貫塌房鈔五貫青三梭布每疋紅油
紙每八十張冥衣紙每四十張鐵鍋每套四口藤黃每
斤稅鈔四貫牙錢鈔四貫塌房鈔四貫褐子綿紬每疋
毛皮襖氈衫每領乾鹿每箇稅鈔三貫四百文牙錢鈔
三貫四百文塌房鈔三貫四百文官絹官三梭布每疋
絨線每斤五色紙每四千五百張高頭黃紙每四千張
稅鈔三貫牙錢鈔三貫塌房鈔三貫小絹白中布青匾

線夏布每疋手帕每連三箇手巾每十條皮褲每件小
靴每套三雙板門每合響銅每斤連五紙每千張連七
紙每一百五拾張稅鈔一貫牙錢鈔一貫塌房鈔一貫
青大碗每二十五箇青中碗每三十箇青大碟每五十
箇稅鈔七百四十文牙錢鈔七百四十文塌房鈔七百
四十文洗白夏布青綠紅中串二布每疋包頭每連二
十箇龜條每條大碌銅青碌枝條碌生熟銅蘇木胡椒
川椒黃蠟麝姑香葷木耳每斤酒壘土酒海每箇青中

碟每五十箇白大盤每十箇書房紙每四簍筆管每五
百箇油靴每副稅鈔六百七十文牙錢鈔六百七十文
塌房鈔六百七十文青小碟每五十箇白中盤每十五
箇稅鈔六百文牙錢鈔六百文塌房鈔六百文花布被
面每段白中串二布每疋靛花青紅花針條每斤青靛
銀杏菱米蓮肉軟棗石榴每十斤青大盤每十二箇青
盤每十五箇青小盤每二十箇青小碗每三十箇乾鷄
天穢等野味每隻南豐大簍紙每四塊竹椅每把稅鈔

五百文牙錢鈔五百文塌房鈔五百文喜紅小絹每疋
稅鈔四百七十文牙錢鈔四百七十文塌房鈔四百七
十文麻布每疋花椒水牛皮每斤土青盤每十五個
土青碗小白盤每二十箇土青碟每五十箇青茶鍾每
七箇稅鈔四百文牙錢鈔四百文塌房鈔四百文小簾
綿布每疋氈襪每雙土降香白砂糖錫每斤草蓆每領
雨傘每把翠花每朵草花每十朵刷印馬紙每四塊土
尺八紙每塊南豐簍紙每六塊連三紙每一千張毛邊

紙中夾紙每一百張酒麪每十塊稅鈔三百四十文牙
錢鈔三百四十文塌房鈔三百四十文燈草每斤土青
酒鍾土青茶鍾每十二箇土青香爐大白碗每十個中
白碗每十五箇白大碟每二十箇白小碟每二十五箇
稅鈔三百文牙錢鈔三百文塌房鈔三百文馬牙速香
魚膠每斤稅鈔二百四十文牙錢鈔二百四十文塌房
鈔二百四十文藥材每斤白小碗每十五箇稅鈔二百
文牙錢鈔二百文塌房鈔二百文荔枝圓眼冬笋松子

桐油柏油黑砂糖蜂蜜每斤蠟臘脂每兩土粉土硝鹼
松香墨煤蒙麻肥皂末香槐花膠棗雞頭螃蜋蛤蚧每
十斤乾兔雞鴨每隻白茶鍾每六箇甘蔗藕每十根竹筍每
一百雙竹掃帚每十把蒲蓆每領雜毛小皮每張氈帽每箇
草鞋每十雙稅鈔一百七十文牙錢鈔一百七十文塌房鈔
一百七十文明乾笋蒲桃海棠金橘橄欖牙棗芋麻每斤稅
鈔一百四十文牙錢鈔一百四十文塌房鈔一百四十
文綿花香油紫草紅曲紫粉黃丹定粉雲香柿餅栗子

核桃林擒甘橘雪梨紅棗楊梅枇杷榛子杏仁蜜香橙
烏梅五倍子鹹彈黑乾笋茶葉生薑石花菜鰕米鮮乾
魚鮮猪羊肉黑鉛水膠黃白麻綱熟鐵每斤綿絮每套
蘆蓆每領綿臘脂每帖西瓜每十箇稅鈔一百文牙錢
鈔一百文塌房鈔一百文乾梨皮荸薺芋頭鮮菱烏菱
鮮梨鮮桃杏子李子鮮柿柿花焰硝皂白礬瀝青生鐵
每斤乾蔥胡蘿蔔每十斤冬瓜每十箇蘿蔔菠菜等菜
四十斤稅鈔六十五文牙錢鈔六十五文塌房鈔六十

五文其餘估計未盡物貨俱照價直相等則例收納其進塌房鈔并抽分布足及按月該納房鈔俱為除免

三年令遼陽稅課司稅課減半 四年令張家灣宣

課司并在京都稅司凡遇客商准麴投稅每百分取二送光祿寺准塌房條稅課鈔每歲所送止十五萬斤如有餘存留下半年支用 令張家灣宣課司課鈔減

半 五年令正陽門等宣課司一應雜貨輪日挨次於條由內開寫普安等三店卸賣其給賜各官福順等店

亦照例每店僉大户二名看管按季更替該抽貨物各
官親屬斟酌抽取不許容留親戚詐稱家人在店攪擾
仍行巡視塌房御史訪察禁革但有更易姓名營求看
店及私充牙行者軍發邊衛充軍民發口外為民 七
年令京城九門收鈔鋪戶每季各門止役三人 天順
元年令各處稅課司局該辦課程照永樂年間舊額徵
收其課鈔不及萬貫者俱革罷令所在有司帶管 成
化元年令京城九門并都稅宣課等司及各處商稅等

項課俱錢鈔中半兼收每鈔一貫折收銅錢四文 六年令每鈔一貫折收銅錢二文 又令商稅課照舊收鈔 十五年令京城九門監收錢鈔內官及各處抽分廠不許將不該抽貨物違例抽分 又令巡城御史會同本部委官凡遇九門每月檢收鈔錢進庫合用紙筆蘆席車脚等項於所收錢鈔內扣出易賣其崇文宣武朝陽東直四門每門添撥辦事吏一名正陽等五門添撥辦事吏一名助收錢鈔 二十一年令順天府委佐

貳官一員於正陽門稅課司崇文門宣課分司監收商
稅課鈔 弘治元年令差御史主事各一員於崇文門
宣課分司監收商稅 又令在京崇文等九門上新河
張家灣臨清淮安揚州蘇州杭州劉家隔正陽鎮各稅
課司局每鈔一貫折收銀三釐每錢七文折收銀一分
解京庫其存留者折支官軍俸糧每銀一兩折鈔七百
貫 又令官吏監生軍校家下供送車輛不係客商串
同帶貨者免收稅 又令客商販到諸貨若係張家灣

發賣者省令赴局投稅若係京城發賣者以十分為率
張家灣起條三分崇文門收稅七分如張家灣不曾起
條崇文門全收 今順天府委官二員於草橋及盧溝
橋宣課司監收商稅 五年令在京宣課司監收商稅
止照舊例不許分外搜求有傷治體 六年令差官於
江西浙江蘇州揚州淮安臨清稅課司局查照舊例定
為則例收稅按月稽考自後不許再委隔別衙門官員
侵管重復擾民仍各照額辦歲辦之數年終通照鈔關

事例造冊奏繳 又令崇文門宣課司商稅止差主事
監收不必御史巡察 十三年奏准在京在外稅課司
局批驗茶引所但係一應稅納錢鈔去處省令客商
人等自納若權豪無藉之徒結黨把持攔截生事及將爛
鈔低錢搪塞攪擾商稅者問罪枷號三箇月發落

已上商稅課程俱載國初以來著令今見行者其宣
德及正統間為鈔法不通加增之數見鈔法項下

宣德四年令南京至北京沿河鄆縣臨清濟寧徐州淮

安揚州上新河客商輳集處設立鈔關差御史及本部
官照鈔法例監收船料鈔如隱匿及倚勢不納鈔者船
沒入官犯人治罪惟裝載自己米糧薪芻及納官物者
免納 正統四年令取回監收船鈔御史止令原設官
員收受 又令罷徐州濟寧州收船料鈔臨清淮安令
差去收糧官兼管原差收鈔官取回每船一百料納鈔
四十貫 六年令罷上新河監收船鈔官 十一年令
移灤縣鈔關於河西務本部委官監收其所收鈔武清

縣按季差人解送京庫 又差主事二員於臨清淮安
監收船料鈔 景泰元年差主事二員於湖廣金沙洲
江西九江監收船料鈔一年更代每船一百料納鈔十
五貫所收鈔九江運湖廣布政司備用金沙洲運貴州
辰沅常德等府以備貴州軍職俸給 又差主事二員
於蘇杭二府監收船料鈔 六年差南京戶部主事一
員於上新河監收船料鈔 令河西務臨清淮揚蘇杭
及九江金沙洲監收船鈔主事俱取回各府委佐貳官

一員每歲輪收仍行各處巡河或巡按御史提督兼管
成化元年令各處船料鈔俱錢鈔中半兼收每錢四
文折鈔一貫 又令罷蘇杭淮揚臨清九江金沙洲等
處收船料鈔 二年差主事二員於九江金沙洲監收
錢鈔定為則例候一年滿日該府各委佐貳官一員照
例輪收 三年令蘇杭二府各委佐貳官監收錢鈔
四年罷蘇杭金沙洲九江四處鈔關 五年令河西務監
收船鈔官凡載官糧物并運糧河船有衛所名號往回

俱不在收鈔之例 六年復設金沙洲鈔關令該府官
輪收 七年復設九江蘇杭三府鈔關并河西務各差主
事一員監收 弘治六年令河西務蘇州九江臨清錢
糧多處戶部各差官一員淮安揚州杭州錢糧少處南
京戶部各差官一員照彼中則例每鈔一貫折銀三釐
每錢七文折銀一分 七年令九江船料折色銅錢准
收銀 又令河西務收鈔委官及各處鈔關凡經過官
民糧米剥船俱免納錢鈔 十四年取回臨清收鈔主

事令委府州佐貳官管理仍令管倉主事監督

以上船料鈔

凡魚課每歲南京戶科編印勘合通計四川等布政司并直隸河間等府州縣河泊所等衙門該勘合六百八十九道皆以河字為號南京戶部領回發各該衙門收掌各記所收魚課米鈔若干年終進繳其勘合底簿仍送本部如各衙門繳到勘合務比對硃墨字號相同於上明白填寫以憑查考 洪武十八年令各處魚課皆

折收金銀錢鈔 宣德七年令湖廣廣西浙江魚課辦
納銀者每銀一兩折鈔一百貫 正統二年令湖廣荆
州府所屬州縣并河泊所等衙門魚課鈔俱存留本處
為王府祿米及官吏俸給年終具數造冊及餘剩鈔見
數印封解送京庫 四年令各處魚課有湖池堙塞坍
塌無處採捕累民包納者所在官司申按察司及巡按
御史踏勘分豁 七年奏准各處魚膠不及百斤課鈔
不及百貫米不及十石者聽於本處上司或附近河泊

所類解 令湖廣所屬府縣河泊所歲辦課鈔不及三千貫油鰾黃白麻不及三千斤翎毛不及十萬根者俱裁革該辦課程歸併附近河泊所管辦無河泊所處令府州縣帶辦 十年奏准雲南大理府所屬河泊所魚課米中半納鈔 景泰六年令湖廣等布政司各委官取勘魚戶凡新造船有力之家量船大小定與課米編入冊內以補死絕業戶課額 天順元年詔各處河泊所衙門該辦課程悉照永樂間舊額徵收其所收課鈔

不及萬貫者俱革罷令所在有司帶管 令各處河泊
所業戶逃亡事故者有司查勘以新增續置船隻罾網照名
補替 成化十八年奏准湖廣河泊所凡課程少者印記
許附近河泊所帶管原設官起送別用止存吏一名同
帶管官辦鈔 二十三年奏准裁革太平府繁昌縣白
魚上下仰窪河泊所其該辦魚課鈔及魚油折納黃麻
并魚線膠翎毛令本縣帶管

已上魚課

計天下河泊所

北直隸

順天府

武清縣

河泊所

河間府

靜海縣

河泊所

鹽山縣

河泊所

南直隸

應天府

龍江裏外河泊所

溧水縣

三湖許家埠河泊所

三湖牛兒港河泊所

六合縣

瓜埠三汊河泊所

鎮江府

金壇縣

長蕩湖河泊所

常州府

西隅沙子湖河泊所

蘇州府

沙頭河泊所

崇明縣

三沙河泊所

松江府

黃渡河泊所

寧國府

南湖河泊所

太平府

漁潭河泊所

繁昌縣

荻港河泊所

白魚上下仰窪河泊所

繁昌河泊所

當塗縣

三湖葛家埠河泊所

采石區檐河泊所

三湖新濟河泊所

蕪湖縣

天城河泊所

池州府

貴池縣

池口河泊所

清溪河泊所

黃湓湖河泊所

銅陵縣

大通河泊所

東流縣

張家灘河泊所

東流江口河泊所

香口河泊所

揚州府

江都縣

河泊所

高郵州

河泊所

寶應縣

河泊所

興化縣

河泊所

通州

河泊所

泰州

於溪薄湖河泊所

淮安府

山陽縣

河泊所

鹽城縣

河泊所

安東縣

傅家等處河泊所

沐陽縣

河泊所

海州

河泊所

金史卷之二十一
卷三十二
邳州

宿遷縣

河泊所

睢寧縣

河泊所

廬州府

無為州

官池河泊所

民池河泊所

焦湖河泊所

安慶府

懷寧縣

張家港楊柴洲河泊所

小塘等處河泊所

段塘後江江汙河泊所

東河石牌河泊所

山口曹顏二壩河泊所

望江縣

泊湖鱗湖河泊所

楊溪長河雷港口河泊所

武昌湖河泊所

漳湖新口河泊所

宿松縣

白荊灣池三十六段河泊

所

太伯澇湖河泊所

張富池楊灣口河泊所

龍南蓮蓉湖河泊所

桐城縣

石塘湖大池前後寨河泊

所

竹子湖河泊所

破埕五觀天荒等處河泊

所

孔城荻步河泊所

樅楊長河河泊所

民池河泊所

和州

青沙坊等處河泊所

裕溪河泊所

浙江

杭州府

城南河泊所

仁和縣

河泊所

錢塘縣

河泊所

海寧縣

硖石河泊所

河泊所

紹興府

在城河泊所

山陰縣

河泊所

會稽縣

河泊所

桑盆河泊所

上虞縣

河泊所

餘姚縣

河泊所

蕭山縣

河泊所

台州府

臨海縣

河泊所

黃巖縣

河泊所

仙居縣

河泊所

寧海縣

河泊所

溫州府

在城河泊所

永嘉縣

河泊所

樂清縣

河泊所

平陽縣

河泊所

瑞安縣

河泊所

寧波府

在城河泊所

奉化縣

河泊所

鄞縣

河泊所

定海縣

河泊所

慈溪縣

河泊所

象山縣

河泊所

湖州府

歸安縣

河泊所

烏程縣

河泊所

德清縣

河泊所

長興縣

河泊所

嘉興府

天星馬場鴛鴦相家四湖

河泊所

崇德縣

河泊所

平湖縣

乍浦河泊所

江西

南昌府

港口河泊所

昌邑河泊所

樵舍河泊所

鄔子河泊所

趙家園河泊所

饒州府

柴棚河泊所

南康府

楊林河泊所

九江府

德化縣

官湖河泊所

小池小江河泊所

鶴問賽河泊所

瑞昌縣

赤湖河泊所

彭澤縣

仰天池河泊所

黃土港河泊所

湖口縣

湖口禁江峯山磯逆沙夾

河泊所

湖廣

武昌府

江夏縣

魯湖河泊所

余家湖河泊所

斧頭湖河泊所

金口壩河泊所

嚴家港河泊所

湯孫湖河泊所

郭鄭湖河泊所

梁子湖河泊所

長江罾網局河泊所

武昌縣

西淦湖河泊所

烏翎湖河泊所

磧磯湖河泊所

炭門湖河泊所

馬飲漿湖河泊所

長港江套河泊所

咸寧縣

咸寧湖河泊所

蒲圻縣

蒲圻塲河泊所

嘉魚縣

黃岡湖河泊所

頭陀港河泊所

嘉魚致思湖河泊所

太平小白龜湖河泊所

河涇陵家灣河泊所

興國州

海口湖河泊所

富池湖河泊所

漳源湖河泊所

張家漕河泊所

大冶縣

華家湖河泊所

黃州府

後湖河泊所

黃岡縣

巴湖口攝湖河泊所

王九塘合土卵湖河泊所

樟松湖河泊所

黃漢湖河泊所

團風口河泊所

舊州長河河泊所

零殘湖河泊所

鮑湖河泊所

窑步安仁湖河泊所

蘄水縣

楊歷湖河泊所

圻湖河泊所

蘄州

赤東湖河泊所

廣濟縣

馬口湖河泊所

武山湖河泊所

黃梅縣

大白湖河泊所

源感湖河所

楊家穴河泊所

桂家寨河泊所

白水塘合黃泥湖河泊所

南北紫池湖河泊所

荊州府

江陵縣

吳河二洲河泊所

倚北湖河泊所

倚南湖河泊所

柘林白沙湖河泊所

崔家套河泊所

石首縣

田坪址湖河泊所

李金灣河泊所

小岳套河泊所

上津湖河泊所

公安縣

洋港湖河泊所

監利縣

家緣湖河泊所

分鹽湖河泊所

夷陵州

河泊所

常德府

九潭湖河泊所

沅江縣

沅江湖河泊所

永州府

零陵縣

河泊所

辰州府

沅州

河泊所

長沙府

長沙河泊所

湘陰縣

湘陰河泊所

湘潭縣

湘潭河泊所

益陽縣

河泊所

衡州府

衡陽縣

河泊所

耒陽縣

河泊所

桂陽州

河泊所

臨武縣

河泊所

岳州府

巴陵縣

扁山河泊所

鰕鬚池河泊所

大城池河泊所

魚苗洋河泊所

鹿角古塚湖河泊所

楊林竹根河泊所

臨湘縣

連家湖河泊所

華容縣

金山臺池河泊所

延湖河泊所

褚塘湖河泊所

杜家潭河泊所

蘇池湖河泊所

安鄉河泊所

漢陽府

漢陽縣

沌河蒲潭長河河泊所

馬影湖河泊所

平塘湖河泊所

新灘河泊所

桑臺湖河泊所

長江局河泊所

三淪河高湖河泊所

漢川縣

安漢湖河泊所

上零殘河泊所

小里潭沉下湖河泊所

德安府

安陸縣

府河湖河泊所

孝感縣

東山淪河泊所

注泉湖河泊所

應城縣

三臺湖河泊所

安陸州

盧洑長河湖河泊所

城北湖河泊所

赤馬野豬湖河泊所

沔陽州

剏河新掘口河泊所

直步湖河泊所

李二河河泊所

西湖河泊所

下五湖河泊所

陽名湖河泊所

陽孟池河泊所

張家池河泊所

沙湖河泊所

段下小港河泊所

黃蓬湖河泊所

許家池河泊所

白驪湖河泊所

中下襄河泊所

馬骨泛河泊所

下帳湖河泊所

渣馬潭河泊所

白雲三汊河泊所

賽港湖河泊所

葫蘆三灣河泊所

上帳湖河泊所

司馬小陽河泊所

風波高臺河泊所

福建

福州府

閩縣

河泊所

福清縣

河泊所

羅源縣

河泊所

連江縣

河泊所

長樂縣

河泊所

福寧州

河泊所

寧德縣

河泊所

邵武府

邵武縣

河泊所

建寧府

甌寧縣

河泊所

崇安縣

河泊所

延平府

河泊所

將樂縣

河泊所

沙縣

河泊所

興化府

河泊所

莆田縣

黃石河泊所

莆田河泊所

蒲禧河泊所

晉江縣

河泊所

同安縣

河泊所

惠安縣

河泊所

廣東

廣州府

南海縣

河泊所

順德縣

河泊所

番禺縣

河泊所

清遠縣

河泊所

東莞縣

河泊所

增城縣

河泊所

新會縣

河泊所

惠州府

歸善縣

河泊所

博羅縣

河泊所

河源縣

河泊所

海豐縣

河泊所

龍川縣

河泊所

肇慶府

高要縣

河泊所

四會縣

河泊所

陽江縣

河泊所

德慶州

河泊所

封川縣

河泊所

韶州府

曲江縣

河泊所

潮州府

海陽縣

河泊所

揭陽縣

河泊所

潮陽縣

河泊所

程鄉縣

河泊所

雷州府

海康縣

河泊所

遂溪縣

河泊所

徐聞縣

河泊所

廉州府

河泊所

欽州

河泊所

瓊州府

瓊山縣

河泊所

澄邁縣

河泊所

文昌縣

河泊所

臨高縣

河泊所

崖州

河泊所

儋州

河泊所

萬州

河泊所

高州府

河泊所

那黎河泊所

化州

河泊所

吳川縣

河泊所

廣西

梧州府

蒼梧縣

河泊所

藤縣

河泊所

潯州府

貴縣

河泊所

平樂府

河泊所

南寧府

宣化縣

河泊所

武緣縣

河泊所

四川

敘州府

宜賓縣

河泊所

夔州府

河泊所

瀘州

河泊所

嘉定州

河泊所

雲南

雲南府

昆明縣

河泊所

晉寧州

河泊所

歸化縣

河泊所

嵩明州

河泊所

昆陽州

河泊所

大理府

河泊所

臨安府

寧州

河泊所

石屏州

河泊所

澂江府

河泊所

鶴慶軍民府

劍川州

河泊所

已上河泊所係專設辦課衙門其有歸併附近
河泊所及帶辦於本州縣者不復具列

洪武初令陝西洮州河州西寧各設茶馬司收貯官茶
每三年一次差在京官選調邊軍齎捧金牌信符往附
近番族將運去茶易馬給與邊軍騎操 又定茶法官
給茶引付產茶府州縣凡商人買茶具數赴官納錢給

引方許出境貨賣每引照茶一百斤茶不及引者謂之畸零別置由帖付之仍量地遠近定以程限於經過地方執照若茶無由引及茶引相離者聽人告捕其有茶引不相當或有餘茶者並聽拏問賣茶畢即以原給由引赴住賣官司告繳該府州縣俱各委官一員管理

定茶引由條例凡茶引一道納銅錢一千文照茶一百斤茶由一道納銅錢六百文照茶六十斤一諸人但犯私茶與私鹽法一體治罪如將已批驗截角退引入山

影射照茶者同私茶論一客商興販茶貨先赴產茶府
縣具報所買斤重依例納課買引照茶出境發賣如至
住賣去處賣畢隨即於所在官司繳納原引如或停藏
影射者同私茶論一出園茶立將茶賣與無引由客商
販者初犯笞三十仍追原價沒官再犯笞五十三犯杖
八十倍追原價沒官一茶引不許相離有茶無引多餘
夾帶並依私茶定論一客商販到茶貨經過批驗所須
要依例批驗將引由截角別無夾帶方許放行違越者

筭二十一偽造茶引者處死籍沒當房家產告捉人賞銀二十兩一賣茶去處赴宣課司依例三十分抽一分芽茶葉茶各驗價直納課一販茶不拘地方 四年奏准陝西漢中府金州石泉漢陰平利西鄉縣茶園每十株官取一分其民所收茶官給價買無主者令守城軍士薈培及時採取以十分為率官取八分軍收二分每五十斤為一包二包為一引令有司收貯於西番易馬五年令四川產茶地方照例每十株官取一分徵茶

二兩其無主者令人薅種以十分為率官取八分有司收貯 今碶門永寧筠連諸處所產剪刀粗葉茶令立局徵稅易換紅纓氈衫米布椒蠟以備官用其民所收茶照江南茶法於所在官司給引販賣 二十一年令差人開辦天全六番招討司茶課以為定額其四川產茶地方許民間採摘與羌人交易辦課 三十年令四川成都重慶保寧三府及播州宣慰使司各置茶倉貯茶以待客商納米中買及與西番易馬各設官掌管

又令自三月至九月每月差行人一員於陝西河州臨洮四川碉門黎雅等處省諭把隘關口頭目禁約私茶出境 永樂十年令四川安縣茶課折收鈔 洪熙元年詔四川保寧等府所屬原額官茶照洪武年間例辦納罷買民茶若官倉見積茶堪中換馬者仍留支用芽茶依當地時價作官吏俸給支銷不堪換馬葉茶具奏覆驗燒毀 宣德四年令免四川茶戶徭役 又令四川保寧府巴縣官地茶照民地例起科 正統四年革

播州宣慰使司茶倉其茶課令折鈔 五年令各布政
司府州縣批驗茶引所無茶課者俱裁革 六年奏准
甘肅倉所收茶自宣德及正統元年以前者按月准給
陝西行都司并甘州左等衛所官員折俸布絹每茶一
斤折糧一斗自後所積茶多悉照此例挨陳折給 七
年令四川夔州府屬縣歲徵課茶務點殷實里甲部運
保寧茶倉仍每歲量僉斗級收受候軍夫支運 八年
裁革四川筠連茶課司其筠連高珙宜賓等縣茶課每

斤折鈔一貫各於該縣徵收支用 令陝西甘肅倉所
收茶折支軍官俸給每斤折米一斗五升 十二年令
四川陝西有指稱納官茶夾帶私茶者拏送所在官司
究治經過關津官吏一體治罪 景泰二年仍令筠連

高珙三縣茶課折辦本色於本府倉收烏蒙軍民府茶
課運納於叙州府收每斤折鈔一貫准給各衛官軍俸
糧 令陝西四川二布政司各委官巡視關隘禁約私
茶出境暫罷差行人 四年復差行人於陝西四川禁

約私茶 五年令各處批驗茶引所秤掣餘茶年終類解該府運赴本部轉送光祿寺收用 又令各處軍民人等官民馬快等船并車輛頭匹挑擔馱載私茶者各該官司盤獲茶貨車船頭匹入官引領牙行及停藏之家俱依律治罪巡捕人員受財縱放者一體究問如律將引由照茶依例批驗截角賣畢隨赴住賣所在官司告繳封送各該批驗所類解本部查銷若有過期不繳者批驗茶引所每季查出商名貫址引由數目開報合

干上司轉行各該巡按監察御史按察司提問追繳仍
行各府州查勘前項茶商原領未繳引由照例送銷其
批驗茶引所今後給散引由務籍記茶商姓名籍貫茶
斤引數每引由一道納鈔一貫中夾紙一張送部鈔送
庫交收紙存印引 今四川界首茶課司於南京戶部
印給茶引收貯在庫遇有官軍折支俸糧茶課給與引
由執照依例易賣 天順二年奏准凡番僧夾帶奸人
并軍器私茶違禁等物許沿途官司盤檢茶貨等物入

官伴送夾帶人送所在官司問罪若番僧所至之處各該衙門不即應付縱容收買茶貨及私受饋送增改關文者聽巡按御史按察司官體察究治 成化三年令差御史一員於陝西巡茶一年更代 七年罷差行人四川巡茶令按察司分巡官往來禁約 令禁進貢回回番僧人等於在京及沿途收買私茶 十一年令取回陝西巡茶御史仍差行人 十四年令仍差御史於陝西巡察 十五年令陝西巡茶御史招番易馬不拘

年例願來者聽 十八年令私茶有興販夾帶五百斤者照見行私鹽例押發充軍 弘治元年奏准凡軍衛有司果無私茶不許分派下人買納作數

以上茶課

永樂十二年差御史及郎中等官至湖廣貴州二布政司提督委官於辰州銅仁等處金銀場採辦金銀課

二十九年差御史監生人等開辦福建浙江銀課 宣

德七年奏准福建浙江等處解納歲辦銀課每年各處

會合止解二次各輪委官一員護送 正統三年令罷
開辦銀課封閉各處坑穴其福建浙江等處軍民私煎
銀礦者正犯處以極刑家口遷化外如有逃遁不服追
問者量調附近官軍勦捕 五年令浙江福建按察司
各委堂上官一員提督銀坑若有聚衆偷挖者量調附
近官軍捕獲首賊梟首示衆為從及誘引通同有實跡
者連當房家小發雲南邊衛充軍 九年奏准浙江福
建二布政司各添設叅議一員專理巡礦禁約偷採

令開福建浙江有鑛銀場採辦銀課 十年令浙江都
司添設都指揮僉事一員專管銀場 又令差御史等
官於福建浙江新舊坑場提督煎辦銀課歲終差官解
京如各場額數不敷許於別坑有礦處煎補或又不敷
具奏處置不許派民包納 令浙江福建提督銀場官
吏及諸坑首匠作有稱課不及額掊歛民財及侵盜官
銀者皆治罪如律該徒流者浙江發福建福建發浙江
擺站死罪者浙江發福建福建發浙江沿海邊衛充軍

景泰元年令罷採辦浙江福建等處銀課取回開辦官令都布按三司巡礦官提調各該府縣護守坑場

天順二年仍令開雲南福建浙江銀礦各差內使一員照舊煎辦令各鎮守太監提督 四年奏准雲南都布

按三司及衛所府州縣凡雜犯死罪并徒流罪囚審無力者俱發新與等場充礦夫採辦銀課 令差辦事官

於四川會川衛密勒山銀場開辦銀課二年更代 五

年令雲南福建浙江開辦銀課止於本坑採礦煎辦若

礦脉微細煎辦不及額數者其實奏聞區處不許科補
七年詔封閉各處坑場停止煎辦銀課取回内外官
員 成化元年奏准凡偷掘銀礦不問軍民舍餘旗校
人等依律問罪仍枷號三箇月發落 三年令浙江福
建二處仍各差內官一員提督採辦銀課四川雲南二
處令鎮守內官提督採辦 又令封閉四川密勒山銀
場 四年復開密勒山銀場 五年奏准四川地方軍
民偷採白銅者為首枷號一箇月依律問罪官員原管

事者帶俸原帶俸者守哨 六年令偷掘銀礦初犯照
舊例枷號發落仍發遼東衛分充軍其有資給衣糧器
具及走報事情者照初犯例 八年令福建浙江有犯
偷礦者浙江發福建福建發浙江沿海邊衛充軍 九
年奏准各處山場有新生礦脉者從各鎮巡三司等官
勘實開採以補附近坑場陪納之數 十七年令各處
銀場礦脉微細採辦不及者量減銀課 又令封閉雲
南路南州銅場免徵銅課其私犯銅貨出境本身處死

全家發烟瘴地面充軍 十九年添設雲南布政司叅
議一員同按察司僉事管理銀課 二十年詔各處開
辦銀課地方民力不堪者量為減免 令雲南寧州等
處軍民客商有偷採銅礦私煎及潛行販賣出境者照
路南州例究治 弘治二年復令封閉四川密勒山銀
場 五年詔浙江福建等處歲辦銀課累民陪納所司
踏勘明白量為除豁減免仍將礦穴填塞以弭弊端
又令取回浙江福建添設巡礦官員 十三年奏准盜

掘銀礦銅錫水銀等項礦砂但係山洞捉獲曾經持杖拒捕者不論人之多寡礦之輕重及聚衆至三十人以上分礦至三十斤以上者俱不分初犯再犯問發邊衛充軍若不及數又不拒捕初犯枷號三箇月發落再犯免其枷號亦發邊衛充軍其私家收藏道路背負者止理見獲照常發落不許巡捕人員逼令展轉攀指違者叅究治罪

已上銀課

景泰三年奏准蠲除貴州思印江長官司原額水銀課其婺川縣板坑水銀場局水銀如舊

已上水銀課

洪武三年令廬州府黃墩崑山及安慶府桐城縣歲納礬課每歲二十二萬七百斤每三斤為一引官給工本錢一百五十文私煎者論如私鹽法

已上礬課

洪武三十五年差內官於廣東布政司起取蜚戶採珠

蠶戶給與口糧 天順八年差內使一員看守平江珠池 成化九年令看守廉州府楊梅等池奉御兼管永安池 二十年差內官一員看守雷州府樂民珠池 二十三年差太監一員看守永安所楊梅珠池 又令取回廣東新添守珠池內官 弘治七年差太監一員看守廣東廉州府楊梅青鶯平江三處珠池兼巡捕廉瓊二府并帶管永安珠池

已上珠池

[illegible]

明會典卷三十二

欽定四庫全書

明會典卷三十三

戶部十八

庫藏二

贓罰

諸司職掌

凡各處官民犯法律合籍沒家財及有不才官吏接受贓私追沒到金銀錢鈔衣服等項俱各割付贓罰庫交

收其行移次第照依課程事例施行

事例

宣德十年奏准各處司府州縣衛所衙門凡在庫贓罰除金銀珠翠起解京庫其餘銅鐵油麻羅緞布疋衣服之類及寄養贓罰馬騾驢牛等畜俱易米麥穀豆上倉

正統三年奏准凡在外府州縣并軍衛等衙門贓罰俱解布政司并直隸府州官庫候年終直隸府州會巡按御史各布政司會按察司盤點見數其金銀及堪中

段足起解京庫仍具起解存留數目造冊送部查考按
察司所追贓罰及不堪段足亦送布政司官庫金銀并
堪中段足每歲類解都察院轉送京庫 四年差給事
中并本部主事於各布政司會同按察司直隸會同巡
按御史盤驗各庫贓罰凡金銀珠翠及紵絲羅緞成足
堪中者起解京庫如不成足及衣服器皿之類准折本
處官員俸給其餘銅錢硫黃解工部軍器發附近衛所
領用 七年令各府州縣一應贓罰入官之物俱於年

終變賣在官候秋成糴糧預備賑濟 成化十二年奏
准各處在庫贓罰俱明白造冊糴米預備賑濟或解部
支用如分巡官各處寄留贓罰所在有司申達總司查
考 十六年令各運司提舉司每年積滯并賣過私鹽
車船頭匹問追過贓罰銀錢等物各該巡撫巡按等官
通查見數解部轉發太倉銀庫

內庫

事例

凡各處解到緞足金銀纓玉象牙等物送內承運庫收
凡各處解到錢鈔等物并各衙門鎖鑰俱係內府天財
庫收掌

凡各處解到白熟粳糯米等物送內府供用庫收

凡各處解到紵絲綾羅硫黃焰硝等物送廣積庫收

凡各處解到布疋并各色顏料送甲字庫收

凡各處解到紵絲綿布帛襖袴鞋毛襖狐帽等物送乙

字庫收

凡各處解到綿花絲綿等物送丙字庫收

凡各處解到銅鐵皮張蘇木等物送丁字庫收

凡各處解到軍器胡椒等物送戊字庫收

凡各處解到闊生絹并翠毛皮送承運庫收

凡各處解到錢鈔并紵絲綾羅紬絹毯氍毹鐵力綿布衣服花絨等物送贓罰庫收

凡各處解到鈔錢送廣惠庫收

凡各處解到紵絲紗羅綾錦紬絹布疋等物送廣盈庫

收

洪武二十六年令揀各處解納布絹如泥污水跡堪染
顏色及稍破壞者皆不必陪磨爛破損不堪用者准陪
補亦不治罪 定各處折納絹布則例每絲二十兩及
十八兩折絹一疋長三丈二尺闊二尺白綿布每疋長
三丈一尺闊一尺八寸重三斤 永樂十年令在京在
外起解一應錢糧務委官勘驗堪中實數起解合于上
司解部本部委官看驗相同關填勘合進納仍於勘合

內開各委官職名如解物與勘合不同者許門吏指實具奏 十五年令在外各司府州等衙門進納歲辦并開辦課程等項金銀緞疋俱解北京內府庫 宣德五年令納官布絹不如法者加倍追陪原解人送問 七年差本部主事一員同揀鈔御史給事中巡視甲字等庫凡各處解到布絹絲綿即督官攢人等照洪武年間所定長闊丈尺收受若有覘攬作弊者具奏拏問 十年令各處歲造緞疋委御史同該司官辦驗堪中送該

庫交納 正統二年令各庫所收布有長三丈以上者
但准一疋放支官軍若該管官截去餘尺入已者以監
守自盜論 又令各處解納折糧布絹選退不堪中者
該庫出給印信票帖退還解人本部差人押追納完仍
送問罪不許再科百姓補納 四年令各處解到內府
庫物料俱於六科領給勘合填數照進交納 九年令
各項造作物料止於官庫支用有不敷者奏給官價派
買不許損民 十二年令各處折糧等項布足送甲字

庫收若有稀鬆塵跡水跡者送廣盈庫染造支用 十
四年令各處解到物料送該庫交收方許支用 景泰
元年奏准各處解京布鈔等項先從本部看驗堪中方
許送庫交納 又令各處解納銅鐵并生黃牛皮等料
送丁字庫收 三年奏准各衙門買辦軍需物料及一
應支用宜從設法區畫若事干動支錢糧者先行本部
會查果有三年之積方許回報施行 又令各處解納
絹疋若驗不中度百足以上者侵剋解人發口外充軍

絹足責各犯家下追陪承行官吏行巡按御史提問

又令蘇松等府運納供用庫粳糯米差御史一員同本
庫官監收 成化十六年奏准各處額徵絲綿折絹戶
口食鹽鈔錢司府掌印官務嚴加督責各該州縣官監
收本處織造絹疋堪中鈔錢責令大戶領解委官管押
仍先於內混取絹一疋鈔五十貫錢五十文包封印記
順附公差人役送部收候比驗仍作正數送納其解到
錢鈔絹疋比驗以十分為率如一分不堪者罪坐州縣

經該官吏三分不堪者罪在本府經該官吏五分以上不堪者罪坐布政司經該官吏若委官大戶抵換者照律問罪不堪錢鈔絹盡數沒官 二十三年奏准各處錢鈔絹疋本部該司揀驗堪中之數該庫不許重復看驗刁蹬留難其餘闊布皮張物料等項但係十庫錢糧俱會同科道部官辨驗果係地道真正本色物件即與收完出給批單通關不許推調延緩及供用庫所收糧如有多收盜賣虛出及包攬作弊者拏送法司問罪

弘治三年令各處納絹驗出稀紕刷漿絲經麻緯及單
經等項低絹布政司以驗退十州縣及八千足以上者
住俸三箇月府以驗退三州縣及二千四百足以上者
住俸半年州縣驗退八百足以上者住俸一年 四年
令巡庫科道官及內外該庫官凡遇本部送到各處解
納鈔錠進庫其折腰原封者俱另收轉送天財庫係折
腰者用脩給賞係原封者用脩買辦 八年令各處解
納布絹該府掌印官驗中用印兩頭鈐記每色取式樣

一足印封交所委官吏解部看驗送庫仍於起解批文內開驗中數目用印鈐記若不如法者先將部解官吏送問司府州縣提調掌印官及吏行巡按御史查提揀退布絹加倍追陪糧納攬頭通同侵欺盜賣者發邊遠充軍 十四年令各處解納折糧布足赴部委官於本衙門驗中送赴該庫并巡視科道官及本部委官收受不必再揀 又令各處起解兩京絹疋不及五十疋者送赴該府類解本部驗退五十疋以上者該府經該官

吏叅究治罪

庫夫

事例

內承運庫一百一十八名

內府天財庫一百六十七名

甲字庫六十二名辨驗鋪戶四名

丙字庫三十七名每季辨驗鋪戶二名

丁字庫六十名每季辨驗鋪戶四名

戊字庫一百二十名試驗箭匠二名

賊罰庫五十名

廣盈庫六十名

廣惠庫八十四名

乙字庫四十名每季辨驗鋪戶三名

承運庫四十名每季辨驗鋪戶三名

廣積庫四十名辨驗火藥匠一名

景泰元年奏准庫夫在逃該庫止移文勾取不得擅差

吏庫人等逼勒擾人其有交盤晒晾許於各庫庫夫內互相借撥暫用 成化五年奏准各庫夫俱照原額着役盤運錢糧遇夜輪宿看守如有隱占及令解戶佳倩小脚頂替者俱治罪 七年奏准各庫查盤晒晾原起取人夫甲字庫六十名乙字庫晒晾三十名盤庫六十名丙字庫四十名丁字庫六十名戊字庫七十名承運庫六十名贓罰庫撻鈔四十名檢鈔鋪戶一百名盤庫二十名廣積庫四十名廣惠庫三十名廣盈庫十五名

俱各減三分之一用畢放回如不足用許以各庫夫互相借用不許於兩縣擅自起派 十四年令內府各庫鋪戶三月役滿即另僉替不許容留在庫及妄罰銀兩弘治五年令兩京甲字等庫庫夫交盤進納晒晾止照舊例於各庫借用不許行順天等府僉派擾民 凡各庫收到商稅等項錢鈔行內外委官盤收合用人夫該戶科給事中面奏於順天府起撥

太倉庫

事例

正統七年置太倉庫添設本部主事一員專管凡南直隸蘇常等府解納草價銀赴部轉送管庫官處交收
成化十六年令巡撫巡按官清查各處運司及提舉司
積年收貯并變賣過私鹽車舡等項銀兩盡數解部轉
發太倉庫以備邊儲支用

在外諸司庫

事例

洪武間凡天下衙門收用錢糧一年一報務將當年已
支見在及天下放支該用數目開報本部稽考二十
三年令各司府提調正官監督官攢人等盤點在庫一
應錢帛若金銀錢鈔并足帛零段解赴京庫麓重什物
及銅鐵錫器收貯備用不堪瑣碎物件當官燒毀舊破
衣服給付孤老仍俱開數目稽考永樂三年差監生
於各處會同巡按御史查盤庫藏錢帛等項解京洪
熙元年奏准差官於布政司各都司并直隸府州衛所

清查庫藏錢帛同下年該收該用數目造冊開報 宣
德八年差給事中主事於各處清查在庫貨物九紵絲
綾羅布絹不成疋及衣服器皿之類皆計時值准作文
武官折色俸給支用 正統四年令各布政司并直隸
府州會計每歲該用鈔數年終具報本部存留支用餘
鈔解京 景泰二年令在外諸司倉庫錢糧非奉本部
明文不許擅支 成化十七年令各處司府衛所大小
衙門如遇修理等項止許設法措置其在官錢糧必須

軍機重務賑濟饑民及奉勅合應該支給者方許會官
照卷挨次支給年終查算明白造冊繳部若不應支給
并那移出納者經該官員降黜邊遠叙用侵欺者從重
歸結 二十年令各處巡按御史會同布按二司督同
各府州縣并鹽運司等衙門掌印官親詣官庫查盤一
應錢帛等物應變賣者變賣應存留者存留應起解者
起解三分之一 弘治九年令布按二司并直隸府州
將在庫金銀錢鈔等項開具數目按季造冊送部及巡

按御史以憑查考 十二年令各處巡按御史三年一
次查盤在外諸司庫藏收貯金銀錢鈔等物及一應贓

罰

明會典卷三十三

欽定四庫全書

明會典卷三十四

戶部十九

庫藏三

鈔法

國初寶鈔欲通行於民間立法最嚴且令與銅錢兼使
其後鈔賤不行而法尚存今具列之而錢法亦附于後
諸司職掌

凡印造大明寶鈔與歷代銅錢相兼行使每鈔一貫准銅錢一千文其寶鈔提舉司每歲於三月內興工印造十月內住工其所造鈔錠本司具印信長單及關領勘合將寶進鈔錠照數填寫送赴內府庫收貯以備賞賜支用其民間行使及稅課司局河泊所收受課鈔除挑描偽鈔外其餘不分油污水迹破爛務要收受如有阻壞照依本部原給鈔法榜文內事例治罪其合用桑穰數目本部每歲預為會計行移浙江山東河南北平及

直隸淮安等府出產去處依例官給價鈔收買所在官司應付脚力差人起解赴京仍申達本部將來文立案劄付寶鈔提舉司交收及出給印信長單具手本赴內府關領勘合填寫付差來人於承天門照進赴提舉司交收取獲實收回部入卷備照

事例

洪武八年詔中書省造大明寶鈔取桑穰為鈔料其制方高一尺闊六寸許以青色為質外為龍文花欄橫題

其額曰大明通行寶鈔內上兩旁復為篆文八字曰大明寶鈔天下通行中圖鈔貫狀十串則為一貫其下曰戶部奏准印造大明寶鈔與銅錢通行使用偽造者斬告捕者賞銀二百五十兩仍給犯人財產若五百文則畫鈔文為五串餘如其制而遞減之每鈔一貫折銅錢一千文銀一兩其餘以是為差其等凡六曰一貫五百文四百文三百文二百文一百文每鈔四貫易赤金一兩禁民間不得以金銀物貨交易違者治罪告發者就

以其物給賞若有以金銀易鈔者聽凡商稅課錢鈔兼收錢十三鈔十七一百文以下則止用銅錢 十三年令在京在外各置行用庫凡軍民倒鈔令軍分衛所民分坊廂輪日收換鄉民商旅則以戶帖路引為驗其鈔務貫伯昏爛方許入庫易換量收工墨價值 二十四年榜諭各處商稅衙門河泊所官吏每遇收辦課程不許勒索料鈔但有字貫可辨真偽者不問破爛油污水跡紙補即與收受解京若官吏巡攔刁蹬不收及因

而以不堪辨驗真偽鈔解京者俱罪之 二十五年設
寶鈔行用庫於東市凡三庫庫給鈔三萬錠為鈔本倒
收舊鈔送內府 二十七年罷行用庫 令軍民商賈
所有銅錢有司收歸官依數換鈔不許行使 永樂元
年以鈔法不通禁用金銀交易犯者准奸惡論有能首
捕者以所交易金銀充賞其兩相交易而一人自首者
免坐賞與首捕同若置造首飾器皿不在禁例 五年
奏准於京城設官庫一所凡官員軍民人等但有以金

銀易鈔者不拘多寡聽於本庫收數各驗成色照時值
倒換官鈔行使在外於府州縣倒換 令各處稅糧課
程贓罰俱准折收鈔米每石三十貫小麥豆每石二十
五貫大麥每石一十五貫青稞蕎麥每石一十貫絲每
斤四十貫綿每斤二十五貫大絹每疋五十貫小絹每
疋三十貫小苧布每疋二十貫大苧布每疋二十五貫
大綿布每疋三十貫小綿布每疋二十五貫金每兩四
百貫銀每兩八十貫茶每斤一貫鹽每大引一百貫蘆

柴每束三貫其有該載不盡之物俱照彼中時價折收

七年設北京寶鈔提舉司 八年令內外稅課司局河

泊所等衙門該收課程鈔不問一十文至五十文一百

文至五百文皆照舊收其買賣行使亦不許沮滯 二

十年令河南山東福建長蘆四運司并廣東鹽課提舉

司鹽課許軍民人等於京庫報納舊鈔填給勘合赴各

運司提舉司不拘資次支鹽 宣德元年令各處贓罰

俱折收鈔不分新舊昏軟悉收不願納鈔者聽納本色

令客商以金銀交易及截匿貨物高增價值者皆罰
鈔 四年令順天應天蘇松鎮江淮安常州揚州儀真
浙江杭州嘉興湖州福建福州建寧湖廣武昌荊州江
西南昌吉安臨江清江廣東廣州河南開封山東濟南
濟寧德州臨清廣西桂林山西太原平陽蒲州四川成
都重慶瀘州共三十三府州縣市鎮店肆門攤稅課加
五倍候鈔法通止 榜諭兩京軍民官員人等菜園果
園及搗房車房店舍停搗客商物貨者不分給賜自置

俱菜地每畝月納舊鈔三百貫果樹每十株歲納鈔一百貫房舍每間月納鈔五百貫差御史同本部官各一員按月催收送庫如有隱瞞不報及不納鈔者地畝樹株房舍沒官犯人治罪其園地自種食用非發賣取利者不在納鈔之例 令民間行使驢騾車裝載物貨者每輛納鈔二百貫 又令受雇裝載舡自南京至淮安淮安至徐州徐州至濟寧濟寧至臨清臨清至通州俱每百料納鈔一百貫其北京直抵南京南京直抵北京者

每百料納鈔五百貫若止載柴草糧米及空舡回還者
不在納鈔之例 又令兩京及各處買賣之家門攤課
鈔按月於各該都稅宣課司稅課司局交納酒醋課程
於該縣交納給與由帖執照每月一次點視查考如違
期不納及隱瞞不報者依律治罪仍罰鈔一千貫表背
鋪月納鈔三十貫車院店月納鈔二十貫 又令油房
磨房每坐逐月連納門攤鈔五百貫堆賣木植燒造磚
瓦逐月連納門攤鈔四百貫牛車受雇裝載貨物者納

鈔五十貫小車十貫 又令浙江江西山東山西河南
陝西等都司并直隸衛所軍職官及各處鎮守內外官
家下開墾田土每畝歲納舊鈔三十貫菜地每畝果樹
每十株歲納舊鈔五十貫候鈔法通止 六年令各處
地畝菜園鈔皆減半每畝止納鈔一百五十貫 八年
令在京在外見收車舡等項一應課鈔除舊額與先次
減免者不動但係新增之數皆以三分為率減一分
九年奏准凡兩京各庫所收鈔不分軟爛破損油污水

跡但有一貫二字可辨真偽者俱不揀退其各司府州
稅課司局等衙門及沿河監收舡料鈔官亦如之若有
挑描偽鈔無一貫二字及幾十文幾百文不成張片破
碎之數年終本庫類奏燒毀在各布政司府州縣者奏
報差官燒毀 令各處見收課稅及舡車門攤地畝果
木等項一應鈔除正額但為鈔法加增之數以十分為
率減四分 令各處諸色課程舊折收金銀皆照例折
鈔 令各處抄沒官房及沒官牛隻每年倒塌及倒死

者所納房鈔及牛租即與除豁 正統三年令京城內
外菜地果園稅鈔 四年令塌房及車輛鈔皆減半徵
收其自己房屋與人寄筐櫃者免納鈔 六年令兩京
果樹菜園小車免納鈔塌房每間月納鈔一百貫五百
文驢騾車每輛四十一貫牛車每輛一十一貫 七年
定在京都稅宣課二司收鈔例每季緞子鋪納鈔一百
二十貫油磨糖機粉茶食木植剪裁繡作等鋪三十六
貫餘量貨物取息及工藝受直多寡取之 十二年令

驢騾車每輛納鈔二十貫牛車每輛納鈔八貫 十三年禁京城各處街市交易行使銅鈔阻壞鈔法其在外按察司并巡按御史一體禁約 景泰四年奏准錢鈔聽民相兼行使 弘治二年令勢要之家賣鈔事覺依律論罪鈔沒官司府州縣官受囑聽從者以枉法論

錢法

事例

洪武初置寶源局於應天府鑄大中通寶錢與歷代錢

兼行以四百為一貫四十為一兩四文為一錢設官專
管江西等行省各置貨泉局頒大中通寶大小五等錢
設官鑄造 令戶部及各行省鑄洪武通寶錢其制凡
五等當十錢重一兩當五錢重五錢當三當二重皆如
其當之數小錢重一錢 六年禁民間私鑄銅錢凡私
鑄者許作廢銅送官每斤給官錢一百九十文諸稅課
內如有私錢亦為更鑄 八年罷寶源局鑄錢 九年罷
各布政司寶源局 十年令各布政司復設寶泉局鑄

小錢與鈔兼行 二十二年令造小錢一十文至五十文以便民用每生銅一斤鑄小錢一百六十折二錢八十當三錢五十四當五錢三十二當十錢一十六 二十三年復定錢制每小錢一文用銅二分其餘四等錢依小錢制遞增凡鈔一貫准錢一千文 二十六年復罷各布政司寶泉局 永樂九年令差官於浙江江西廣東福建四布政司鑄永樂通寶錢 宣德九年令南京工部并浙江等布政司鑄宣德通寶錢 景泰四年

令民間將銅錢折鈔阻壞鈔法者依律究治 天順四年令民間除假錢錫錢外凡歷代并洪武永樂宣德銅錢及折二當三依數准使不許挑揀 成化三年令內外課程俱錢鈔中半兼收如該納一貫者止納鈔一貫不在兼收之例商稅課程舡料等項鈔一體兼收銅錢該起運或支給者相兼撥付每一貫收錢四文除破碎并錫錢其餘不拘新舊盡數驗收 十三年奏准凡軍民人等私鑄銅錢貨賣者為首并匠人依律論罪為從

及知情買使者枷號一月發附近衛分充軍民止終本
身舍餘係邊衛者仍發附近衛分充軍軍職旗軍調極
邊衛分差操 十七年令京城內外軍民人等買賣交
易止許行使歷代及洪武永樂宣德舊錢每錢八文折
銀一分八十文折銀一錢不許將私造新錢摠和阻壞
錢法如違及販賣并私造之人枷號依律照例發落有
能告捕者官為給賞隣里人等知情不首者事發連坐
仍行南北直隸及河南山東等布政司府行錢地方通

為禁約

明會典卷三十四